



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1857**

IX. Bischof Ruthger von Brandenburg überläßt dem Kloster Walkenried  
den Zehnten über 100 Hufen in der Ukermark, am 29. April 1247.

---

---

**Nutzungsbedingungen**

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

fratribus in Walkenredenſi coenobio Regis eterni militiam bajulantibus, in elemoſinam tam pro meis quam pro omnium progenitorum meorum peccatis, centum et octo contuli manſos, liberos videlicet ab omni contradictorum calumpnia in pace ac ſecuritate jure perpetuo poſſidendos. Hiis autem dicti manſi terminis limitantur quinquaginta quatuor namque manſorum eorundem a lacu Guds initium ſumentes et in ſiniſtro latere, verſus aquilonem videlicet, harenofos quosdam colliculos limitantes, nec non et in dextero latere verſus meridiem ſcilicet, ſilvam, que laica lingua Ukerſchewolt dicitur, laterantes, ad orientem verſus oppidum, quod Pozlowe dicitur, protenduntur; item quinquaginta quatuor manſi, a terminis Wernekowe inchoantes, contra locum, cui Karzenowe nomen eſt, protenduntur, villas has, Lucowe et ſancte Marie videlicet, ad dextram demonſtrantes. Hos itaque fundos, eo, quo dictum eſt, ſitu et modo diſpoſitos, cum omnibus appenditiis ſuis, hoc eſt terris cultis aut incultis, ſilvis, pratis, pascuis, aquis aquarumve decurſibus, memoratis fratribus conferens allignavi in plenaria poteſtate ſucceſſione perpetua libere poſſidendos. Ut ergo hujus mee donationis tenor inconvulſus de cetero et integer perſeſeret et nullus eum impedire valeat vel caſſare, paginam hanc, ipſum continentem, ſigilli mei teſtimonio placuit communire. Teſtes horum ſunt Conradus, dapifer de Pozowalc, Jhoannes, maſchalcus, Henricus de Svaneberch, Albertus de Inſleve, Godefridus, frater ejuſdem, Jhoannes et Libborius de Naugarden, Godekinus, advocatus, et plures alii. Acta ſunt hec anno gratie M<sup>o</sup>. CC<sup>o</sup>. XXXIX<sup>o</sup>. II kal. Februarii, indictione XII.

Original im Archive zu Wolfenbüttel. Abgedr. im Urfundebuch des hiſt. Vereines für Niederrachſen II, 160.

IX. Biſchof Ruthger von Brandenburg überläßt dem Kloſter Walkenried den Zehnten über 100 Hufen in der Ufermark, am 29. April 1247.

In nomine ſancte Trinitatis et individue Patris et Filii et Spiritus ſancti Ruthgerus, Dei gratia Brandenburgeniſis eccleſie epiſcopus, omnibus preſentem paginam inſpecturis in perpetuum. Quoniam celeſti patrefamilias ordinante inter eccleſiaſticos diſpenſatores locum ſortiti ſumus, ita demum officio noſtro fungi nos credimus non indigne, ſi fugientibus de Babilone cum panibus occurramus, paupertatem eorum voluntariam ſublevando, cum voluntarie ſint pauperes ſibi et liberaliter aliis habundantes. Sane igitur univerſitati veſtre harum tenore cupimus notum eſſe, quod venerabilibus et in Chriſto dilectis fratribus et amicis noſtris in Walkenried ad neceſſitatis eorundem ſupplementum et pauperum Chriſti hoſpitandi pretextu ad eos frequenter venientium propter ſpem remuneracionis divine conferimus decimam in Ukeram de centum manſis et collatam tenore preſentium confirmamus cum omni integritate juris perpetuo ac libere poſſidendam, diſtictiſſime prohibentes ſub anathemate, ne quis eos hinc audeat moleſtare, preſertim cum et de comuni conſenſu capituli Brandeborgenſis hec noſtra donacio ſit perfecta. Hujus rei teſtes ſunt Rodericus, abbas de Cinna, Sigerus, abbas de Lenin, Symeon, prepoſitus de Colonia juxta Berlin, magiſter Hermannus de Templo magiſter, Conradus de Walkenrith, Heinricus, plebanus de Oderberge, Johannes de Warnowe, Gilo, Heidenricus, capellani noſtri, et alii quam plures tam clerici quam laici fide digni. Ut autem hec noſtra donacio firma ſemper maneat et illeſa, preſentem paginam exinde conſcriptam fecimus ſigillo noſtro com-

muniri. Acta sunt anno Domini M<sup>o</sup>. CC<sup>o</sup>. XLVII<sup>o</sup>., indictione XV, epacta XII, III<sup>o</sup> kal. Maji, pontificatus nostri anno sexto.

Aus dem Urkundenbuch des hist. Vereins für Niedersachsen II, 181 nach einem Chartularium Walkenriedense der Königl. Bibliothek zu Hannover fol. 136.

X. Das Brandenburgische Domcapitel bestätigt die vorstehende Schenkung des Bischofs Ruthger, am 29. April 1247.

Petrus, prepositus, totumque Brandenburgensis ecclesie capitulum omnibus hanc literam intuentibus in perpetuum. Si famulis Christi nostre benevolentie favorem inpendimus eorum paupertatem voluntariam pro nostra possibilitate sublevando, id de ipsorum crebris oracionibus nos credimus affecturos, ut pensantem hominum merita Deum, cujus adventum pertimescimus, in novissimo die securi judicem videamus. Hinc est, quod universitati vestre cupimus notum esse, quod nos dilectis in Christo fratribus et amicis de Walkenried ad necessitatis eorundem supplementum, ob remuneracionem divinam, conferimus decimam eis, imitantes pio affectu venerabilis episcopi nostri domini Ruthgeri vestigia, qui et eandem eis decimam, in Ukerā videlicet super centum mansis, pia liberalitate contulit atque collatam suis literis confirmavit. Sane communi de consensu hanc domini episcopi approbantes decime collationem, tenore presentium donamus eam prefatis fratribus communiter atque donatam legitime presenti pagina confirmamus cum omni juris integritate perpetuo possidendam. Hujus rei testes sunt Rodericus, abbas de Cinna, Sigerus abbas de Lenin, Symeon, prepositus, Henricus, plebanus de Oderberge, Giso, capellanus, Heidenricus, notarius, Johannes de Warnowe, Hermannus de Templo, Conradus de Walkenrieth, plebani, Wernherus, schuletus de Stettin, Marfilus, schuletus de Berlin, Fridericus, advocatus episcopi Brandenburgensis, et alii quam plures. Ut autem hec nulla queant calumpnia inmutari et ne alicujus improbitate possint in futurum perturbari, presentem paginam inde conscriptam sigillo ecclesie nostre fecimus communiri. Acta sunt hec anno Domini millesimo ducentesimo quadagesimo septimo, indictione XV., epacta XII., III<sup>o</sup> kal. Maji.

Urkundenbuch des hist. Vereins für Niedersachsen II, 182 aus einem Chartularium Walkenriedense der Königl. Bibliothek zu Hannover fol. 111.

XI. Markgraf Johann stiftet die Stadt Lychen, am 23. Januar 1248.

In nomine sancte et individue trinitatis. Johannes, dei gracia Marchio Brandenburgensis, omnibus in perpetuum. Temporis mobilitas et humane memorie instabilitas exigit et requirit, ut ad notitiam posterorum gesta precedentium scriptis authenticis commissa commaneant, ne per oblivionem, que inimica solet esse posteritatis, argumenta veritatis obtenebrentur et dubia questio generetur. Proinde notum esse volumus tam presentibus quam futuris, quod nos fidelibus no-